

MUY PRONTO LO SER INTRODUCI UN VIDEO CASSETTE DI PADU DEL CARIBE...


DEN AMBIENTE



** Padu cantando hunto cu e alumnonan di Mon Plaisir College den jardin di Holiday Inn Aruba Beach Resort, nos glorioso "Aruba Dushi Tera"...



** Riba pisanan di Holiday Inn Aruba Beach Resort y acompaña riba piano pa nos Tata di Cultura, e alumnonan di Mon Plaisir College ta resona nos Himno Nacional "Aruba Dushi Tera"..



** Padu tocando su kuarta..

** Muy pronto lo ser introduci un video cassette, cual lo relata e bida artistico cultural di Padu del Caribe.

E grabacion pa e produccion aki a ser filma y produci pa Herberto Añez conocido director musical di Los Tucosones di Maracaibo, Venezuela.

Awe den porta di nos glorioso Dia Nacional den cual Padu del Caribe ta CO-AUTOR di nos HIMNO NACIONAL "ARUBA DUSHI TERA", cu sumo placer y orguyo den caracter di exclusividad y primicia, DEN AMBIENTE ta publica algun potretan exclusivo tuma durante varios escena di e filmacion.

No ta falta mucho pa henter pueblo di Aruba en general por adquiri un ehemplar di e filmacion tan historico aki, pa di e forma aki tambe nos futuro generacionnan por sera conoci cu Padu y pa eternidad keda recorda su logronan artistico y alavez sirbi como un bunita estimulo pa nos jovennan.

Sin duda cu henter pueblo di Aruba lo por bay disfruta di e bunita video cassette musical/cultural aki di nos gran musico y respetable co-ciudadano tan queri PADU DEL CARIBE..Keda pendiente!..



** Padu tocando su piano na Natural Bridge..



** Riba jardin di Holiday Inn Aruba Beach Resort, nos Tata di Cultura flanquea pa alumnonan di Mon Plaisir College ta interpreta nos glorioso Himno Nacional "Aruba Dushi Tera"...



** Don Tico Kuiperi di "Show Time" contando su experiencia di Padu...



** E popular maestro tenor Rufo Odor ta conta su experiencia tocante Padu...

Tur diasabra merdia na Radio Galactica FM. 99.9

12'or pa 2'or bo ambiente ta cu

"SHOW DI POETS"

Entrevista LIVE cu PADU DEL CARIBE for di su cas

**Diasabra
awor 16
di Maart**

NOS ORGUYO CO-AUTOR LO RELATA E HISTORIA DI NOS GLORIOSO HIMNO 'ARUBA DUSHI TERA' Y TAMBE SU EXPERIENCIA CU RUFO WEVER CO-AUTOR DI NOS HIMNO NACIONAL.

Lo rifa 3 CD di PADU DEL CARIBE, y un cena pa 2 na Twinkle Bone's Restaurant.

NOTI-AMBIENTE.

**** Feliz dia y tambe un feliz siman largo di fiesta en relacion cu celebracion di nos DIA NACIONAL 18 di MAART, cual lo ta dialuna awor. Nos ta spera cu tur hende cu ta biba riba e dushi pida baranca stima aki cu yama ARUBA, lo tuma e dia aki como uno pa reflexiona y sinti e autentico sentimento patriotico pa traha y yuda nos dushi isla turistico progresa. Ta nos sincero deseo pa cada cas reina un harmonia di paz y tin un prosperidad eterno pa nos ARUBA DUSHI TERA.**

**** Awe den nos edicion especial di HIMNO Y BANDERA, mi tabatin e sumo placer pa realiza un entrevista cu nos querido Tata di Cultura, Don Padu del Caribe, kende gustosamente a tuma su pasenshi pa relata nos e historia di nacemento y su motibonan tambe di nos glorioso Himno Nacional "Aruba Dushi Tera". Cu hopi Amor y Cariño, tanto Padu del**

Caribe y mi persona a sinta traha riba e relatonan aki, y ta di spera cu henter pueblo di Aruba lo bay disfruta di dje y tambe por corte como un recuerdo historico di nos Himno "Aruba Dushi Tera".

**** Tambe mi a logra di convence Padu pa conta nos su experencianan cu su gran amigo musico Rufo Wever (q.e.p.d.), kende hunto cu Padu ta AUTORNAN di nos Himno "Aruba Dushi Tera". No perde pa lesa e relato aki, na unda hopi aspectonan interesante di gran valor di nos herencia musical/cultural ta ser treci den e propio palabranan di Padu del Caribe, kende nos tin un gran aprecio y ta na su lugar pa añadi cu Padu ta un di e AUTORNAN di un Himno Nacional den e Mundo aki, cu ketu bay ta na bida. Ta pesey nos mester sinti nos hopi orguyoso di Padu y dune su reconocimiento, atencion y cariño tur dia 24 ora pa dia.**

**** Awe merdia pa 12 or en adelante durante mi programa na Radio Galactica, mi lo bay combersa cu Padu del Caribe na su propio hogar den un transmision vivo y directo na unda henter Aruba por haya e oportunidad pa scucha nos Co-Autor di nos Himno Nacional, den su propio voz yena cu e sentimento patriotico, Padu lo relata henter e historia di e cancion "Aruba Dushi Tera" for di e dia cu el a nace, te cu e dia cu el a ser proclama y resona pa prome biaha dia 18 di Maart 1976 den Wilhelmina Stadion como nos SIMBOLO DI UNION Y IDENTIDAD...nos glorioso HIMNO NACIONAL.**

**** Awe nos atencion ta completamente dirigi na nos Tata di Cultura, Padu del Caribe, kende ta "back in Town" despues di a sufri un lamentable caida net algun minuut prome cu e prestigioso show di gala "Den Ambiente Award" a inicia, den cual Padu mester**



**** Awe merdia durante e transmision envivo for di cas di Padu del Caribe na Radio Galactica fm, lo regala un feliz oyente e potret exclusivo aki di nos gran musico multifacetico PADU DEL CARIBE. E potret lo ta uno di 8 x 10 y cu autografo di nos Co-Autor di nos glorioso Himno Nacional "Aruba Dushi Tera". Pues no perde e oportunidad unico aki...**

a otorga su premio na su tres gran amigo musiconan Edwin Zichem, Norman Moron y Dominico Herera. Padu ta perfectamente den bon salud y ta cla pa viaha den luna di April proximo pa un gira na Hulanda, pa aya na tera frieuw tambe nan goza di e exitoso "CONCIERTO D SIGLO".

**** Mientrastanto no ta falta mucho pa e video cassette cu ta relata e bida artistico di Padu del Caribe ser introduci. Pa mi persona ta mas cu un honor di por a fungi como e prome persona di contacto, pa asina Herberto Añez por a comunica cu Padu y asina realiza e historico filmacionnan aki. No tin duda cu e video cassette aki di gran valor pa nos dushi pais Aruba, lo bay resulta den un exito sin presedente.**

**** Esaki tambe ta un otro prueba, cu mientras tanto nos ta sinta bringa otro,**

boycotea otro, humilla otro y no ta duna nos mes un hendenan nan merecido valor y reconocimiento, un extranjero ta bin y siña nos con ta duna valor, aprecio y reconocimiento. Anto nos kier rabia tambe, bon ta haya!..

**** Na ultimo mi kier a extende mi mas profundo condolencia na e famianan di e victimanan di e lamentable tragedia. Mi persona cu ta gusta viaha masha hopi mes, a keda den un shock di por a mira algun fotonan tuma di nos fotografo Rudolph Haseth, kende a bay cubri e lamentable tragedia na Punto Fijo. E fotonan aki pa etica no por a ser publica y mes persona a comete un error di mira e potretnan aki, ya cu mi no por a drumi y come te cu awe cu mi ta relatando e edicion aki. Ta un escena masha tristo cu no tin palabranan pa describi. PAZ NA RESTONAN DI E DIFUNTONAN.**



**** DEN AMBIENTE tabata presente na momento cu Juni de Freitas (O.R.E.O.), Giovanni Arends (Robert y Solo Banda Show), Cesar Olarte (Quasi), tabata realiza e grabacion den Cristal Sound Studio, como un homenage na e Arubianonan cu a bira victima di e lamentable tragedia. E cancion ayera a ser interpreta pa e tres cantantenan durante e acto di entierro. E letranan ta di Juni de Freitas y e melodia y areglo ta di Hubert Thiel. Pa medio di e cancion aki e tres cantantenan a uni hunto cu e areglista Hubert Thiel: Cu e palabranan di nos por ta un consuelo y sosten cu DIOS manda e consuelo na cada un di e famia di es fayecidonan.**